

菩提場所說一字頂輪王經卷第一 此字卷 佐一

特進試鴻臚卿大興善寺三藏沙門大唐智不空奉 詔譯

菩提場所說一字頂輪王經序品第一

如是我聞一時薄伽梵住菩提樹下與大菩薩眾所謂金剛幢菩薩摩訶薩觀自在菩薩摩訶薩得大勢至菩薩摩訶薩金剛手秘密

王菩薩摩訶薩寂靜慧菩薩摩訶薩金剛慧菩薩摩訶薩堅固慧菩薩摩訶薩虛空無垢菩薩摩訶薩無垢慧菩薩摩訶薩普賢菩薩摩訶薩無盡意菩薩摩訶薩虛空庫菩薩摩訶薩超三界菩薩摩訶薩持無能勝菩薩摩訶薩持世間菩薩摩訶薩天冠菩薩摩訶薩

文殊師利童真菩薩摩訶薩月光童真菩薩摩訶薩不思議慧菩薩摩訶薩虛空藏菩薩摩訶薩除一切蓋障菩薩摩訶薩大精進菩薩摩訶薩慈氏菩薩摩訶薩寶髻菩薩摩訶薩寶手菩薩摩訶薩妙臂菩薩摩訶薩如是等菩薩摩訶薩而為上首

後與大必芻眾所謂具壽舍利子具壽迦葉波具壽那提迦葉波具壽大迦葉波具壽伽那迦葉波具壽目犍連具壽大目犍連具壽滿慈子具壽難陀具壽烏波難陀具壽賢善具壽阿泥樓駄具壽迦旃延子具壽俱那羅具壽驕梵波提具壽大驕梵波提具壽孫陀羅具壽大孫陀羅具壽須菩提具壽耆宿驕陳如具壽制底象具壽羅睺羅如是等大阿羅漢而為上首

後與無量諸天及諸天子所謂帝釋梵王大梵王夜摩天水天俱尾羅天善界天子他化自在天乃至光音淨居天眾如是等大威德天子而為上首復有無量阿蘇羅無量藥路荼無量緊那羅無量羅刹安無量比舍遮無量母天眾無量部多眾那羅延天伊舍那天與無量部多眾圍遶難提自在為上首大白在天為上首與無量瘴鬼眾圍遶拏枳你毗鈕天亦與無

量瘡鬼衆圍遶於彼衆會天及天子阿蘇羅
阿蘇羅子如是一切天龍藥叉乾闥婆阿蘇
羅緊那羅摩睺羅伽羅刹衆等

復有持明成就者所謂輪成就者劍成就者
金剛杵成就者蓮華成就者鉞斧成就者如
來部明成就者蓮華部明成就者金剛部明

佐一

二

成就者盧陀羅天成就者毗紐天成就者母
天衆成就者摩睺羅伽成就者藥路荼成就
者龍成就者拏枳你成就者藥叉成就者摩
尼跋捺羅成就者俱尾羅成就者水天成就
者梵王成就者如是無量持明成就者爲上
首各與百千眷屬俱

復有日月天子爲上首與無量百千宿曜圍
遶以爲眷屬俱

復有無量如來族蓮華族金剛族無量明王
使者女使者衆金剛毗那夜迦盡無餘世間
出世間衆一切山河池園苑術道四衢林神
樹神江神城郭神村神屍林神烏婆跋羅伽

神惡夢神地底神宮殿神如是等上首乃至
於此三千大千世界中天龍藥叉羅刹娑軻
闍婆阿蘇羅藥路荼緊那羅摩呼羅伽及諸
母天瘡大瘡毗那夜迦餓鬼大餓鬼必含遮
藥叉羅刹娑等大威德者各與大威德眷屬
俱皆於菩提場而住於五百由旬內大集會

衆以佛威神加持互不相逼惱於是世尊住
於如來莊嚴吉祥摩尼寶藏大寶樓閣告慈
氏等上首菩薩言善男子此菩提場莊嚴樹
我所坐處我於此坐已摧四魔證成無上佛
智汝等咸應坐於是處一切智佛智皆得生
出世尊說是語已默然而住

佐一

三

尔時金剛手秘密主菩薩以佛威神及本願
力從座而起偏袒右肩右膝著地合掌向佛
世尊作禮白佛言世尊我問世尊如來應正
等覺修佛頂真言異方便一切如來所說真
言明教加行修習曼荼羅印契安布易成就
事業一字轉輪王佛頂入於大三摩他印曼

茶羅成就處軌則念誦印安布最勝事業秘密畫像法止魔息災增益調伏法如是一切如來部真實一切世間出世間明真言最勝不被佗陵突無盡眾生界菩薩真言行成就由此一切有情獲得安樂由此佛頂輪王於瞻部洲衆生修一切如來真言者作大佛事故由此世界瞻部洲衆生獲一切安樂能堪任成就故一切天一切天族一切藥又一切藥又族一切緊那羅一切摩呼羅伽一切龍一切龍族一切天龍藥又乳闍婆阿蘇羅藥路茶緊那羅摩呼羅伽人一切世間出世間印真言作利益故成就故不令欺陵令安尊位故一切有情修佛頂真言者除一切苦惱令我真言族成就故觀自在等大菩薩真言行光顯故一切如來說印曼荼羅法要成就故無量如來所說真言印曼荼羅難成就者令易成故理趣法句法要惟願如來應正等覺說啓白是已

尔時世尊告金剛手秘密主言善哉善哉秘密主汝爲一切衆生利益安樂輪王佛頂成就真言行精進勤住持者一切如來所說真言汝能問如來如是事是故金剛手我爲汝說先佛已說未來當說尔時釋迦牟尼如來以佛眼觀一切世界觀已爲未來有情本願

福力加持觀已告一切菩薩大衆言善男子汝等憶念一切如來所說輪王一字入一切法三摩地作不思議奇特神變於一切世界作大佛事一切三摩地中最勝句咸皆作意時一切菩薩咸皆憶念一切佛頂輪王大真言王及三摩地句唯除秘密主觀自在大菩薩由如來加持故時世尊坐大菩提樹下於大福生地如來入佛遊戲三摩地時一切如來悉皆同入是三摩地世尊彼時憶念攝受一切衆生界無量恒河沙數俱胝劫積集施戒忍進等波羅蜜無量難行苦行從大丈夫相出光明所謂從頂從白毫相從眉從眼從

鼻從耳從唇從頭從袈裟從膊從手從臍輪
 從二乳從二乳間從項從二脛從二膝從二
 脛從二踝如是從坐處從二足如來法輪印
 處如是真多摩尼寶處如來鏤訖底三昧處
 錫杖印處從如是一切如來心印處從無能
 勝忿怒轉輪王入三摩地無能勝印處如是

一切如來大慈處大悲處一切如來三摩地
 處如是從無畏處從記別處如是一切如來
 明真言處放光於一一光明無量光明以為
 眷屬從佛頂出無量百千光明種種色類青
 黃赤白紫色照無量佛刹照此三千大千世
 界一切地獄傍生悉除息塵翳息一切苦建

立一切真言行於諸菩薩作一切義利成就
 大福莊嚴一切安樂易成就於剎那頃作一
 切義利成就已於恒河沙數佛世界魔宮殿
 咸令萎頹映蔽一切魔光乃至有頂下至無
 間大地獄邊際一切處照曜光耀驚覺一切
 有情復來旋遶卅尊三帀已各各沒入本處

佐

五

章

菩提場所說一字頂輪王經示現真言大威
 德品第二

今時釋迦牟尼如來從彼三摩地起以佛眼
 觀一切佛刹彼一切天集會如師子奮迅而
 顧視告金剛手秘密主言金剛手汝今諦聽
 一字佛頂大明王及四大佛頂及毫相等作

大利益成就者明妃如來手如來鉢如來唇
 如來口法輪等大明王所有一切衆生界於
 一切有情勤修佛頂真言行菩薩等及一切
 有情菩薩乘受持者必芻芻尼塢波斯迦
 塢波斯迦不被一切天世間沮壞獲得不退
 轉一切皆獲安樂一切處一切苦惱悉皆除

滅一切皆悉起大慈行同一味相不被火燒
 不被水溺不被刀傷不被毒中不被蛇齧不
 被一切難一切如來所說大真言明王受持
 菩薩及餘淨信大乘菩薩乘有情從此一切
 如來三摩地出生大真言受持者及餘大明
 三受持者應以牛黃於樺皮上寫此陀羅尼

安髻頭中若是苾芻苾芻尼寫此陀羅尼繫
在袈裟中若鳩波塞迦鳩波斯迦繫在手臂
或在頭下若國王帶不被他敵之所侵擾晝
夜卧安覺安大威德賢聖諸天而常擁護如
是及餘有情若能持此者勤修真言行者一
切處獲得無礙一切人見悉皆歡喜遠離一

切苦得一切安樂一切人天供養恭敬一切
天龍乾闥婆阿蘇羅藥路荼緊那羅摩呼羅
伽餓鬼必含遮一切難調障毗那夜迦不敢
逼近離惡趣怖秘密主此大明王及明妃真
言句一切有情勤修菩薩行者及修佛頂真
言者以此作息災吉祥事惡星凌逼皆得息

滅作一切衆生義利鉤召一切天龍藥叉秘
密主我略說為修佛頂真言者速疾得悉地
令作一切事業世尊說是已告金剛手此一
切如來所說大真言王大佛頂白傘蓋佛頂
高佛頂勝佛頂光聚佛頂如是大佛頂真言
王入一切如來三摩地勤勇力等敵皆殊勝

佐一

六

章

三摩地成就一字頂輪王佛眼毫相大慈大
悲佛牙并無能勝如來手如來鉢如來袈裟
如來法輪并明妃等說從大悲奮迅大人相
師子吼流出一切菩薩不能摧壞一切佛加
持共隨喜大慧照曜幽暗者令作光明以甚
深智作無塵垢令作吉祥吉祥一切世間中
最勝尊貴作最勝無塵無垢四無所畏令作
端嚴慧令作廣大無量殊勝智令作堅固勇
猛金剛鉤鏢身令作十力令作大威德令拂
除愚暗令作一切佛智令作大護一切菩薩
功德藏能令一切智智能令寂靜句令作無
礙勇猛威德令作最勝慧難調衆生種性令
生慈心能作一切如來熾盛三摩地大真言
明王一字佛頂輪王而說真言曰
曩莫三滿多沒馱喃引一唵引二步嚕引三
釋迦牟尼佛世尊纒說是真言譬如瞻部洲
大風吹一切樹林叢林藥草葉及華菓悉皆
振動如是纒說是輪王一字真言三千大千

世界六種震動須彌盧山亦皆大動大海騰沸及恒河沙數世界悉皆震動山谷及海猶如草葉一切山林河海皆悉震動一切魔官如一熾盛火聚以佛威神加持力故悉皆恐怖魔眾諸天皆自不安歸依於佛世尊於一切世界中那洛迦趣有情悉皆獲得安樂

佐一

七

章

尔時世尊作如是神力加持為令顯現輪王佛頂故自身作轉輪王形功德相莊嚴七寶成就一切光明熾盛晃曜照曜以無量法莊嚴間錯嚴飾大輪王師子座而坐熾盛照曜一切圓光如輪周而形成一聚光無有一有情有情眾當彼之際而敢不瞬目瞻睹彼所有慈氏等大菩薩彼皆刹那頃亦不能不瞬目而瞻視

尔時觀自在菩薩金剛手秘密主菩薩以佛威力闕絕躡地利那謨呼律間則彼大威德摩醯首羅天帝釋天毗紐天夜摩天水天俱尾羅天風天藥路茶緊那羅摩呼羅伽等一

切器仗悉皆墮落摩醯首羅三戟又墮落帝釋金剛杵墮落毗紐天輪俱尾羅棒水天羅索如是一切大威德天一切器仗墮落於地精氣威力神通皆奪由轉輪大真言明王加持故一切菩薩憶念菩提遊戲三摩地一切天龍藥叉乾闥婆阿蘇羅藥路茶緊那羅摩

呼羅伽等皆歸依佛世尊悉皆戰掉如芭蕉葉身毛悚豎不能堪忍觀大輪王真言色形尔時世尊隱大輪王色形刹那頃說此一切如來所說大明妃能息一切難調有情能成就一切佛頂輪王能息一切闍諱言訟一切如來部真言母一切菩薩母觀自在菩薩金

剛手秘密主為令起故說此佛眼一切佛所說能成就一切義利速疾成就輪王佛頂故說真言曰

曩莫薩躡怛他藥底瓢一囉曷二毗藥二三藐三沒第毗藥三唵四嚕嚕塞普二嚕五入縛二攤六底瑟姪七悉馱嚕左你八

薩縛囉佗合二娑但你九娑縛非二合訶引十

說是佛眼陀羅尼已觀自在菩薩金剛手秘密主等悉皆而起乃至所有一切天等眾會各各復得本神通各還執本器仗皆歸依佛世尊心大歡喜瞻視觀察如來各作是讚言嗚呼奇哉觀自在菩薩金剛手秘密主白釋

佐一
八
章

迦牟尼應正等覺言世尊是何奇特世尊曾所未見如來持此頂輪王形光明聚是何希奇佛言善男子持頂輪王色形三摩地一切諸佛世尊佛遊戲神通善男子如於大曼荼羅集會汝等作真言身變化住不思議顯示大威德如是如是如來轉輪王真言色形身

住而顯示善男子此佛頂轉輪王一切如來真言身住最勝三摩地一切諸大菩薩及一切真言明王明妃一切諸天無能違越善男子有此真言轉輪王佛頂若有人誦持處五由旬內一切明世間出世間不流通不成就汝等所說清淨真言所加持真言不成就亦

不往亦不現威德若纔憶念此真言一切世間出世間真言悉皆成就汝等所說加持真言身一切不可成就不現應驗者以此真言應成就之五由旬內地方天龍藥叉乳閻婆阿蘇羅藥路荼迦婁羅緊那羅摩呼羅伽菩薩住真言身者於處不堪忍住不遊行不成

就不與現驗不與悉地何以故由住此佛頂輪王三摩地無能欺除佛眼真言三昧耶用此真言七徧誦之則其身寂靜若不然者其威德無能堪忍其修真言者必須初後誦此佛眼真言十地菩薩尚不能堪忍此輪三威德何況餘天王小類有情

佐一
九
章

尔時世尊顯佛頂威德故欲現佛傘蓋威德故一切佛傘蓋加持故是時住白傘蓋佛頂王身如傘蓋形若此三千大千世界無一有情而作質礙白傘蓋形悉皆覆於佛頂其傘蓋頂當於如來頂中觀自在菩薩金剛手秘密主菩薩問佛世尊世尊此是何傘蓋色形

一切菩薩作歡喜一切獲得安樂從佛頂出光明一切世間出世間真言明成皆斷壞令破奪其加持令不成就何以故大威光藏故今時世尊告金剛手秘密主言秘密主此一切如來光明照曜光聚佛頂由此光明照曜三千大千世界下至無間地獄邊際乃至有

頂照曜一切魔宮悉皆萎悴於虛空際作照曜金剛手此佛頂王能斷一切真言纒誦此真言修行者隨意世間出世間真言令斷令破令壞唯除輪王佛頂白傘蓋主佛頂高佛頂勝佛頂佛眼五字如來心除此餘一切世間出世間真言明斷壞令打令伏令縛攝修行者若纒稱名纒誦隨意難調鬼魅令壞令打令馳走令挫辱金剛手此光聚佛頂不應非處誦持應於有舍利處誦持賢聖諸尊所攝授處何以故此威德光聚佛頂等同輪王威德故若不介者即被傷損即聖衆不降臨諸魔得先便當知於清淨處及有舍利處聖

佐一

十一
章

人得道處以三昧耶加持復以輪王三昧耶佛眼加持若異此者即被傷損雖久修行亦不成就此光聚大真言王於修餘真言者不得輒誦何以故彼真言王威德損故當知於閑靜密處或於河側或於池邊或於海岸或於山間或於窟或於聖人作制底處其修行者獲大威德具力具大精進具念具慧等同餘部得悉地者威光威德猶如輪王真言成就秘密主此明王能生不思議威德秘密主此是如來威如來光如來加持一切諸佛之光明威德光明體光明性與一切有情威德能生威光性金剛手能斷一切真言能調難調者能壞佗真言威此是大威德大神通能成辦一切事

今時世尊復觀無盡法界知已衆生利益故能令如來力三摩地等流一切菩薩無邊力勇猛故說一切佛所加持修一切真言與安樂故真言曰

曩莫三滿多沒馱南一引唵二入縛三擺入縛
合二擺三你比也合二你庚合二那藥合二都瑟尼合二
沙四度那度那咩引

尔時一切世界悉皆震動一切天龍藥叉
闍婆阿蘇羅藥路荼緊那羅摩呼羅伽迷悶
癡亂皆失神通難調者被燒毗那夜迦出呵

呵聲尔時世尊告秘密主言秘密主此名高
佛頂王一切如來三摩地力勇猛大精進大
力若有善男子善女人修習輪王佛頂者及
餘淨信者所往處闍戰論理諍訟一切處若
誦所去處悉皆得勝或餘有大國王淨信佛
法者用牛黃於椀皮上或素上書此真言繫

旗纛上或於頸下則往他敵若見則便破敗
他軍消融互不相救何以故以如來神力加
持故或餘鳩波塞迦鳩波斯迦於頭上帶持
彼人吉祥吉祥清淨威德吉慶威光威力不
被他凌突獲得吉祥辯才秘密主我略說菩
薩持此者獲得無量力勇健獲如來加持一

佐一

三

章

切魔無能沮壞一切諸天不敢逼近修此大
真言者無有與等威力皆得成就若成就等
同轉輪王真言何以故一切如來神力所加
持三摩地力故是為高頂王

尔時世尊釋迦牟尼如來現神通威德故一
切罪息滅故一切惡趣摧壞故一切那洛迦
苦息除故現不思議行神通故現一切如來
神通威德積集故此佛頂真言王一切佛之
所宣說真言曰

曩莫三滿多沒馱南一引唵二入縛三擺
合二擺三你比也合二你庚合二那藥合二都瑟尼合二
馱引瑟尼合二沙四入縛合二擺入縛合二擺五滿
馱娜麼滿馱娜麼六弩嚕合二麼弩嚕合二麼弩

嚕合二麼七郝賀咩引

纔說是真言此世界及一切佛刹六種震動
無有一有情受飢渴苦以一切佛威德力現
大威德故一切地獄中一切飢渴悉皆止息
一切有情悉令獲得飲食恒河沙數等如來
同共宣說為大怖畏有情作利益故示現大

神通金剛手有此佛頂王所流布處一切魔不得其便何況修行者若有善男子善女人若能常憶念此真言王復能持誦彼獲得不思議神通成就具大精進神通圓滿一切諸天禮敬彼人不久獲不思議功德若有成就真言王者或有大乘淨信者或修習輪王佛

佐一

十二

章

頂者彼獲得不思議神通相應於一切有情中為最勝不應疑或獲佛神通所求欲願獲得無疑一切神通平等真實無畏一切時等同諸佛金剛手若修勝佛頂真言者不久神通自在成就於刹那頃諸難調有情見者悉皆馳走所有魔眾諸天見彼皆失神通而悉馳走若有修習此真言成就者與轉輪王具言成就等無有異於地獄中亦作神通為處地獄有情作利益故如是一切有情息除飢苦我略說少分佛頂王三摩地神通熾盛無量無邊一劫不能說其福利功德我少分說世尊所說亦時世尊告一切菩薩眾善男子

佛頂王等住一切如來三摩地真言身者于俱胝劫不能盡說其功德矜愍一切有情故而說少分是佛頂王族稱揚不思議功德于俱胝劫若如來說無能盡其邊際如來親自佛頂真言王輪王大威德若干佛於俱胝劫讚歎亦不能盡其邊際若有善男子善女人

若以飲食衣服湯藥種種資具供養百佛若有人誦此輪王受持福聚無能與等即說伽陀曰

若復智修行 最勝真言王 則成爲菩提
獲地位不疑 爲不生不滅 持此佛頂者
無有等威德 不思議色力 三世無與等

衆生界異生 成就佛頂人 無有等同者
若帝釋自身 或餘威德天 一切世界中
欲界大力者 見修頂輪人 若不起承迎
頭破作七分 猶如蘭香梢 自在及帝釋
水天俱尾羅 藥又大威德 奪彼光萎悴
千光而熾盛 照耀於諸天

若有大丈夫成就大真言王若讀若誦若受持乃至書寫經卷或書於椽皮或帶持或供養或塗壇或香泥塗地散華燒香旃香以經卷置於壇中而作供養此法要受持讀誦為他演說觀其衆生根性勝劣而為宣說勤修善慶行者殷勤而敷演畢獲得如來熾盛三

佐一

十四

摩

摩地淨信究竟大乘堅固者應授與之如來言教可為敷演而為說之不應慳吝常得宿命智不墮於惡趣超千劫生死流轉證無上正等覺一切天龍常當擁護言音威肅令人樂聞一切有情愛樂憐愍安樂捨壽不為諸魔之所侵擾若有善男子善女人大有情堅固入大乘由滿願故修如來族真言是人具福大威德賢聖所攝受不歸依餘類唯歸趣佛菩薩超越一切魔道意趣諸根不缺者身色光潤黃白生於勝族清淨處生於吉宿大勤勇身相圓滿不太肥不太瘦亦不乾悴爪如赤銅踝骨平滿身形長大肌膚潔白不太

團欒齒不踈黑眼目不踈亦不黃綠不疥癩不貪染不被毗那夜迦所持身相應頭圓平滿筋脉平正我今略說其相生於大族大福大威德有情說此法要是善男子善女人若得此佛頂真言必當成就為彼有情而敷演之而當敬禮慎勿不與必當與之若得此佛

頂真言必當成就若人得此堅固有情輪王佛頂必當成就此甚深法要餘世界中甚難得聞此由如來加持於餘多世界中得聞若有人一經於耳根應知皆是轉輪王三摩地之所加持應如是知若有人得此如來族法要修行者得至於手中皆是如來加持何以故皆是如來不思議真言三摩地頂輪真言身之所建立此一切真言中最大真言句頂王三摩地不思議法要應當知是故彼有情必當求如來真言成就若此法要書寫經卷成誦所在之處無量人天世間皆作供養獲得此三摩地熾盛法句彼人無增上瞋恚

菩提場所說一字頂輪王經卷第一 佐一

素

菩提場所說一字頂輪王經卷第二 佐二

三藏沙門大廣智不空譯

菩提場所說一字頂輪王經畫像儀軌品第三
爾時釋迦牟尼佛以佛眼觀一切眾生界告
金剛手秘密主言秘密主為有情利益故我
今說大明王儀軌一切佛所說一切世間出

世間其言明像中上上佛頂輪王本身形狀
能滅一切罪令一切有情得大涅槃以殊勝
三摩地佛色身變化而現我今說世尊佛頂
輪王畫像法修行者先應入曼荼羅從師受
得印契儀軌曾入佛頂輪王壇或無能勝忿
怒壇或勝佛頂壇見三三昧耶得受灌頂得

阿闍梨印可無上涅槃道入修行當依儀軌
應作先行先行已然後畫像令婆羅門童女
大族姓生者授與齋戒縶縷令織依教織氎
或依餘教或如來部所說長六肘橫四肘若
不辦五肘亦得或緣畫像要買物者勇士不
應酬價其氎織已以香水洗之擇去毛髮其

畫像應用佛神通三長齋月白分取具諸根
畫匠淨信三寶者先令澡浴清淨著新淨衣
授與八戒然後令畫應擇端嚴順吉祥宿曜
時日或於此間或於巖窟或於牛欄或於佛
堂精室或聖賢得道處離臭穢有蟲水地處
置燈應畫先於中畫佛世尊坐師子座其座

種種寶莊嚴依說法相普徧爛光如輪圍繞
從頂流出種種光明佛具大丈夫相倚菩提
樹其菩提樹有種種葉如真多摩尼樹或於
枝繫繒綵或繫吠瑠璃寶或繫果或繫鈴鐸
或繫天妙果或乘雲降雨或種種葉華果或
菩提樹芽或真珠吠瑠璃碑渠珊瑚玉皆畫